



Kresimentu Traballador Estranjeiru iha Timor-Leste Ne'ebé La Regulariza

Mahein Nia Lian Nú. 76, 30 Abril 2014



Relatoriu Fundasaun Mahein Nia Lian ne'e suporta husi povu Amerikanu liu husi Ajéncia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha publikasaun relatoriu sira ne'e la reprezenta vizaun husi Ajéncia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org

Konteudu sira

Introdusaun	3
Metodolojia	3
Fatór Sira Ne'ebé Kontribui Kresimentu Traballador Estranjeiru iha TL	4
Impaktu Husi Kresimentu Traballador Estranjeiru iha Timor-Leste	7
Rekomendasaun	9
Bibliografia	10

Introdusaun

Polítika V Governu Konstitusional maka atu garante dezenvolvimentu ekonomia rai-laran, hamenus kiak no mukit liu husi kriasaun kampu traballu ba timor-oan.¹ Liu husi Sekretariu Estadu Polítika Formasaun Profisional no Empregu (SEPFOPE) halo esforsu lubuk ona atu reduz númeru dezempregu iha rai laran. Ho politika formasaun ba juventude nu'udar parte ida hodi perpara timor-oan atu kompete iha merkadu traballu nian. Inklui mos haruka traballador timor-oan ba estranjeiru hodi serbisu liu husi kanal bilateral.²

Durante ne'e, Governu halo ona esforsu barak atu reduz númeru dezempregu iha rai-laran maka haruka traballador timor-oan ba nasaun estranjeiru liu husi kanal bilateral nian. Ne'ebé tuir prespetiva SEPFOPE katak polítika haruka traballador estranjeiru ho vizaun "Hasai Ema Hatama Osan" nu'udar parte ida hodi bele reduz númeru dezempregu iha Timor-Leste.³ Maibe, iha parte seluk traballador estranjeiru mos kontinua invade Timor-Leste hodi okupa fatin serbisu ba timor-oan no lori sai osan millaun ba millaun.⁴

Presiza mos iha planu integradu no estratejia inklui polítika kontrolu ne'ebé rigrozu atu nune'e bele minimiza impaktu no ameasa sira husi invazaun traballador estranjeiru mai Timor-Leste. Tanba, instabilidade bele mosu husi fenomena sosial sira ne'ebé relasaun ho kompetisaun serbisu entre traballador estranjeiru ho lokal no bele hamosu tensaun konfliktu ne'ebé sei estraga estabilidade nasional.⁵

Fundasaun Mahein (FM) nia relatoriu ida ne'e atu halo análiza kona-bá impaktu husi invazaun traballador estranjeiru sira ne'ebé konsidera nu'udar ameasa ida ba estabilidade. Nune'e mos relata kona-bá fatór sira ne'ebé konsidera pretenente hodi dudu no kontribui prezensa traballador estranjeiru sira iha Timor-Leste. Sita mos impaktu husi prezensa traballador estranjeiru sira ba ekonomia iha rai-laran no seluk tan. Lista mos pontu rekomendasau nu'udar rezultadu husi estudu ida ne'e.

Metodolojia

Estudu ida ne'e, FM uza metodolojia análiza deskriptivu husi relatoriu dahuluk sira kona-bá impaktu no ameasa traballador estranjeiru ba ekonomia Timor-Leste, halo diskusaun ho naran *Security Sector Discussion – SSD* no halo obaservasaun direta ba movimentu traballador estranjeiru sira ne'ebé serbisu iha Timor-Leste, partikularmente iha kapital Dili. Inklui mos uza

¹ RDTL. (2012, Agostu 26). PROGRAMA V GOVERNO CONSTITUCIONAL NIAN LEGISLATURA 2012-2017.pdf.p63.

² Soares, Brigida. (2014, Marsu 24). SEPFOPE : Hasai Ema, hatama Osan. <http://www.jornalbisnistimor.com/opiniaun/1881-hasai-ema-hatama-osan>

³ Soares, Brigida. (2014, Marsu 24). SEPFOPE : Hasai Ema, hatama Osan. <http://www.jornalbisnistimor.com/opiniaun/1881-hasai-ema-hatama-osan>

⁴ Miz. (2013, Setembru 12). Invazaun Foun Amiasa Ekonomia TL. Media STL. <http://jornal.suara-timor-lorosae.com/invazaun-foun-amiasa-ekonomia-tl/>

⁵ Miz. (2013, Setembru 12). Invazaun Foun Amiasa Ekonomia TL. Media STL. <http://jornal.suara-timor-lorosae.com/invazaun-foun-amiasa-ekonomia-tl/>

informasaun sira husi pulikasaun media nasional ne'ebé iha ligasaun ho ameasa traballador estranjeiru iha Timor-Leste.

Fatór Sira Ne'ebé Kontribui Kresimentu Traballador Estranjeiru iha TL

Depois Timor-Leste restaura ninia independensia, traballador estranjeiru sira barak tebes hakat fronteira hodi mai buka serbisu iha rai-laran. Dadus balun hatudu katak dadaun ne'e maizumenus traballador estranjeiru husi nasaun 37 maka serbisu iha Timor-Leste husi area oi-oin. Traballador estranjeiru hirak ne'e maioria mai husi nasun Indonezia no Xina.⁶ Tuir FM nia monitorizasaun identifika katak iha fatór balun ne'ebé sai kauza hodi kontribui ba invazaun traballador estranjeiru mai Timor-Leste maka hanesan tuir mai ne'e;

1. Kontrolu "sistema database online"

Timor-Leste nia frakeza ida ne'ebé fo oportunidade ba traballador estranjeiru kontinua nadodon mai iha rai-laran maka sistema *kontrolu database online* ne'ebé sei mokit tebes. To'ó ohin loron Timor-Leste seidak establese *data base online* ne'ebé integradu iha postu Migrasaun sira iha Fronteira, Aero-Portu no Portu hodi kontrola movimentu traballador estranjeiru hakat mai iha rai-laran. Buat hirak ne'e sai obstaklu ida ba instituisaun Serbisu Migrasaun hodi halo kontrolu ho diak.⁷

Governu presiza establese sistema *kontrolu database online* iha fatin ka postu Serbisu Migrasaun iha fronteira Mota-Masin, Mota-Ain, Portu no Aero Portu hodi nune'e bele fornese informasaun mai iha nasional kona-bá ema estranjeiru na'in hira maka mai Timor-Leste ho vistu traballu ka turista, hela iha ne'ebé no atu halo saida? hodi nune'e bele hafasil ba Serbisu Migrasaun hodi buka tuir no foti medida enkuantu sira viola lei imigrasaun nian durante iha nasaun ida ne'e.⁸

Tanba, tuir FM nia monitorizasaun durante ne'e identifika katak ho frakeza Timor-Leste ne'ebé seidak establese sistema kontrolu *database online* fo oportunidade luan ba ema estranjeiru sira fasil buka serbisu iha rai-laran maske uza vistu turista.⁹ No, kontinua subar no hases an husi instituisaun siguransa nia operasaun (razia) ruma.¹⁰ Estatistika hatudu katak iha 2014

⁶ Fundasaun Mahein. (2013, Febreiru 13). Jestaun Fronteira no Kontrolu Migratoriu. Mahein Nia Hanoin Nú. 03.p26.pdf.

⁷ Fundasaun Mahein nia monitorizasaun ba iha Fronteira no postu Serbisu Migrasaun sira durante 2013 iha Mota-Masin, Mota-Ain hatudu katak seidak establese *kontrolu data base online*.

⁸ Durante ne'e laiha sistema kontrolu data base online ne'ebé fo informasaun detallu husi Serbisu Migrasaun iha fronteira mai nasional (Dili), liu-liu kona-bá sidadaun estranjeiru sira ne'ebé hakat fronteira mai iha Timor-Leste.

⁹ Jos & Ade. (2012, Outobru 18). Trabalhador Estranjeirus 889 Iha TL. <http://www.diariutimorpost.tl/berita-247-trabalhador-estranjeirus-889-iha-tl.html>

¹⁰ Fundasaun Mahein. (2013, Febreiru 13). Jestaun Fronteira no Kontrolu Migratoriu. Mahein Nia Hanoin Nú. 03.p23.pdf.

maizumenus traballador estranjeiru hamutuk 751 kontinua serbisu iha rai laran ne'ebé balun uza vistu turista.¹¹

Ida ne'e, tuir FM nia hare'e katak falta sistema kontrolu *database online* ne'ebé efetivu hodi fornese informasaun ba autoridade Serbisu Migrasaun atu halo kontrolu ho masimu.¹² Halo ema estranjeiru sira kontinua invade Timor-Leste no viola vistu turista hodi buka serbisu iha rai-laran ne'ebé fo ameasa ba rendementu timor-oan atu sustenta sira moris.¹³

2. Fasilita husi “oknum” Instituisaun Estadu no Empreza Liu Lokal

Involvimentu “oknum” balun husi instituisaun Estadu ne'ebé fasilita no garante sidadaun estranjeiru hodi serbisu iha rai laran nu'udar fatór ida ne'ebé kontribui maior ba invazaun traballador estranjeiru durante ne'e.¹⁴ Kazu barak ona akontense no la'o iha Timor-Leste ne'ebé iha relasaun ho envolvimentu oknum Estadu hodi fasilita ema estranjeiru sira tama mai no hetan lisensa serbisu inklui mos hetan dokumentu sidadania nian.¹⁵

Iha tinan 2012, mosu kazu interesante ne'ebé involve oknum instituisaun Estadu sira hodi fasilita ema estranjeiru sira halo serbisu iha Timor-Leste maske ho viza turista. Hanesan kazu sidadaun Filipina balun ne'ebé hetan fasilita husi oknum instituisaun Estadu, partikulamente husi Gabinete Inspeasaun Jeral Traballu iha Sekretariu Estadu Politika Formasaun Profesional no Empregu – SEPFOPE inklui Ministériu Turizmu.¹⁶

Kazu balun mos involve pesoal siguransa, partikularmente Serbisu Migrasaun ne'ebé fasilita no garante ema traballador estranjeiru hodi kontinua halo serbisu iha Timor-Leste maske uza vistu turista. Hanesan pesoal Serbisu Migrasaun kaer traballador estranjeiru sira nia pasaporte hodi prosesa vistu ne'ebé ikus mai osan la tama iha kofre Estadu nian. Razaun sira halo ida ne'e tanba vensimentu ne'ebé ki'ik no nesesidade uma laran aumenta bebeik.¹⁷ Iha 2013, oknum husi Polisia Migrasaun hetan kondena husi Tribunal Distrital Dili – TDD tanba fasilita sidadaun estranjeiru hodi hetan serbisu iha rai-laran.¹⁸

¹¹ May. (2014, Janeiru 15). PNTL Rejistu Ema Estranjeiru Tama Sai TL. Media Diariu Nasional. Bele asesu iha ne'e; <http://www.jndiario.com/2014/01/15/pntl-rejistu-ema-estranjeiru-tama-sai-tl/>

¹² Atu klarifika asuntu korendenasaun fahe informasaun data base, Fundasaun Mahein haruka karta ba Serbisu Migrasaun hodi halo entrevista maibe to'o publikasaun relatoriu ne'e SM la koopera ho diak hodi fo informasaun ba FM maske kontaktu dala-wain ona.

¹³ Anibal, Joao. (2014, Februari 05). Maioria Populasaun TL Sofre “Moras Sosial”. <http://jornal.suara-timor-lorosae.com/maioria-populasaun-tl-sofre-moras-sosial/>

¹⁴ TS. (2012, Outobru 19). Servidór Estadu TL Sobu Estadu De Direitu. Media Tempo Semanal. Bele asesu iha ne'e; <http://temposemanaltimor.blogspot.com/2012/10/parte-iii-servidor-estadu-tl-sobu.html>

¹⁵ THD. (2013, Febreiru 16). Sidadaun Estranjeirus Hetan Dokumentus TL. Media Timor Post. Bele asesu iha ne'e; <http://www.timorhauniandoben.com/2013/02/sidadaun-estranjeirus-hetan-dokumentus.html>

¹⁶ TS. (2012, Outobru 19). Servidór Estadu TL Sobu Estadu De Direitu. Media Tempo Semanal. Bele asesu iha ne'e; <http://temposemanaltimor.blogspot.com/2012/10/parte-iii-servidor-estadu-tl-sobu.html>

¹⁷ Fontes FM. (2013) Funsionariu Alfandega. Konversa Informal.

¹⁸ Amaro. (2013, Marsu 21). TDD Julga PNTL Halo Kobranca Illegal ba Ema Estranjeiru. <http://temposemanal.com/justisa/item/255-tdd-julga-pntl-halo-kobranca-illegal-ba-ema-estranjeiru>

Iha lidun seluk, Kompañia lokal sira ne'ebé manan tender projetu maioria halo rekrutamentu traballador husi estranjeiru. Nune'e mos projeitu boot sira ne'ebé Kompañia Estranjeiru kaer maioria halo rekrutamentu traballador husi sira nia rai tanba kestaun kualidade rekursu umanu.¹⁹ Maioria traballador estranjeiru ne'ebé kompañia sira rekruta mai husi nasaun Indonezia relasiona ho emprezariu timor-oan ne'ebé manan tender projetu infra-estrutura halo sub-kontrator ho Kompañia sira husi Indonezia. Relasiona ho traballador estranjeiru hirak ne'e selu ho baratu no disiplina (la malandru) durante serbisu.²⁰ Maske komunidade barak maka kestauna hahalok kompañia sira ne'e halo rekrutamentu diskriminativu tebes.²¹

Husi kestaun sira ne'ebé FM relata iha leten nu'udar fatór ida ne'ebé facilita traballador estranjeiru nakonu iha Timor-Leste. Presiza iha jestaun no politika kontrolu ne'ebé diak hodi nune'e bele minimiza invazaun traballador estranjeiru ho volume boot iha futuru mai Timor-Leste. Tanba bele fo impaktu ba estabilidade nasional enkuantu timor-oan la hetan serbisu, sai bainaka iha nia rai rasik. No, bele halo timor-oan sira (juventude) lakon sira nia esperansa ba futuru tanba sira nia "*status sosia*" ladiak bele hamosu tensaun konfliktu ne'ebé sei estraga estabilidade nasional.²²

3. Sistema "Abandonu Voluntariu"

Sistema "Abandonu Voluntariu" sai mos nu'udar kauza ida hodi dudu traballador estranjeiru kontinua invade Timor-Leste. Relasiona ho osamentu ne'ebé laiha hodi halo "deportasaun" ba ema estranjeiru sira ne'ebé uza vistu turista maibe halo serbisu iha rai-laran hafraku instituisaun Serbisu Migrasaun nia kontrolu. Durante ne'e, Timor-Leste aplika deit sistema "Abandonu Voluntariu" maske Serbisu Migrasaun halo ona esforsu lubuk ida hodi kaptura ema estranjeiru ne'ebé uza sala vistu.²³

Relasiona ho difikuldade Timor-Leste ne'ebé aplika mekanizmu "Abandonu Voluntariu" ne'e fo oportunidade luan ba ema estranjeiru (traballdaor) kontinua invade Timor-Leste hodi okupa fatin serbisu ba timor-oan. Tanba, sistema "Abandonu Voluntariu" signifika katak ita husu ema estranjeiru sira ne'ebé viola lei migrasaun atu fila ba sira nia nasaun ho voluntariamente.²⁴

Kazu balun hanesan iha fulan Febreiru 2014, Serbisu Migrasaun halo kapturasaun ba sidadaun estranjeiru hamutuk 117 ne'ebé uza vistu turista hodi serbisu iha rai-laran maibe difikuldade

¹⁹ Viana, Rui. (2012, Setembru 17). SEPFOPE No Stratejia Hamenus Desempregu Iha Timor Leste. <http://forum-haksasuk.blogspot.com/2012/09/sepfope-no-stratejia-hamenus-desempregu.html>

²⁰ Ida, Francisca. (2014, Marsu 12). Empezariu Indonesia. Entrevista Pesoal.

²¹ Fundasaun Mahein. (2013, Setembru 18). Projetu Refinaria no Petro-Kimika: Mega Projetu ka Mega Ameasa?. http://www.fundasaunmahein.org/wp-content/uploads/2013/09/MNL_Nu.-58_18092013_Petrokimika-no-Refinariapdf.pdf

²² Sin. (2013, Setembru 09). Dezempregu Bubu, Potensia Hamosu Konfliktu. Media STL. Bele asesu iha ne'e; <http://jornal.suara-timor-lorosae.com/dezempregu-bubu-potensia-hamosu-konfliktu/>

²³ Fundasaun Mahein. (2013, Febreiru 13). Jestaun Fronteira no Kontrolu Migratoriu. http://www.fundasaunmahein.org/wp-content/uploads/2013/02/MNH_no-03_13022013Tetun.pdf.pdf

²⁴ Da Costa, Jose. (2012, Setembru 12). Diretor Serbisu Migrasaun. Aprezentasaun iha Seminariu ne'ebé Organiza husi Alola Foundation.

maka labele halo deportasaun, ikus mai Governu husu deit multa.²⁵ Situasaun sira hanesan ne'e kontinua ajuda ejistensia traballador estranjeiru hela iha rai-laran hodi okupa serbisu ba timor-oan sira. Kuaze iha nivel hotu-hotu hahu husi nivel "buruh kasar" to'o iha nivel diretúr.²⁶

Realidade serbisu sira ne'ebé merese ba timor-oan tuir kriteria SEPFOPE hanesan sai guarda, Motorista, Kasir, Servidor Restorante, rental no seluk tan hetan okupa husi ema traballador estranjeiru sira.²⁷ Hanesan restorante sira iha kapital Dili no rental foto copy sira, alfaeta inklui serbisu karpinteiru domina husi traballador estranjeiru sira. Maioria traballador estranjeiru hira ne'e mai husi Indonezia.²⁸

Buat hirak ne'e mosu dala-ruma mos konsekuensia Timor-Leste ne'ebé uza deit *visa on arrival* ne'ebé fo biban boot ba sidadaun estranjeiru hakat fronteira hodi mai buka serbisu iha rai-laran. Tuir FM Governu prezisa aplika kriteria rigrozu atu bele minimiza invazaun traballador estranjeiru mai iha Timor-Leste. Hanesan referensia husi Estados Unidus Amerika aplika kriteria ida katak ema estranjeiru ne'ebé atu tama iha nasaun refere hodi kontinua eskola ka atividade turista tenki lori rekomendasaun konta bankaria nu'udar garantia ida atu bele hela iha nasaun refere.²⁹

Impaktu Husi Kresimentu Traballador Estranjeiru iha Timor-Leste

Prezensa traballador estranjeiru sai nu'udar asuntu diskusaun iha nivel hotu-hotu iha Timor-Leste. Maske mosu idea pro-kontra kona-bá prezensa traballador estranjeiru iha Timor-Leste maibe iha finanalidade kontinua mosu preokupasaun ne'ebé kestiona ninia impaktu relasiona ho prezensa traballador estranjeiru iha Timor-Leste.³⁰

Impaktu konkritu sira maka aumenta numeru dezempregu iha rai-laran kada tinan aumenta ne'ebé durante ne'e sai asuntu diskusaun no preokupasaun públiku. Dezempregu nu'udar fenomena sosial ne'ebé sai kronia tebes ona iha sosiadade Timor-Leste nian. Pelemenus pursentu 50 husi populasau rai ne'e kategoria ba kiak.³¹ Kondisaun sosial hanesan kiak no dezempregu halo juventude sira barak maka inklina-an iha grupu geng, konsumu droga, involve

²⁵ Ferreira, Sonia & Ximenes, Luciana. (2014, Febreiru 27). Migrasaun Kaptura Sidadaun Estrajeiru 117 Viola Vistu. Media STL. Bele asesu iha ne'e; <http://suara-timor-lorosae.com/migrasaun-kaptura-sidadaun-estrajeiru-117-viola-vistu/>

²⁶ TS. (2012, Outobru 19). Estadu TL Hasa'e Empregu Ba Sidadaun Estranjeiru.

<http://temposemanaltimor.blogspot.com/2012/10/parte-iii-servidor-estadu-tl-sobu.html>

²⁷ TDW. (Agostu 08). Trabalhadores Estranjeirus 4.135 Servisu iha TL Ho Vistu Trabalho husi SEFOPE. <http://www.thediliweekly.com/news/news/1587-trabalhadores-estranjeirus-4135-servisu-ih-tl-ho-vistu-trabalhu-husi-sefope>

²⁸ Situasaun traballador estranjeiru hirak ne'e barak liu iha area Komoro, kampung Alor no kuaze iha area Dili laran inklui mos distritu sira iha teriotiriu Timor-Leste.

²⁹ Kaplan. (2013). Visa Pelajar Amerika Serikat. <http://www.kaplaninternational.com/id/resources/student-visa-information/usa.aspx>

³⁰ Freitas, Ezequiel. (2011, Outobru 09). Laiha kampu servisu bele hamosu konfliktu. Media The Dili Weekly. <http://www.thediliweekly.com/tl/notisias/notisias/206-laiha-kampu-servisu-bele-hamosu-konfliktu>

³¹ Viana, Rui. (2012, Setembru 17). SEPFOPE No Stratejia Hamenus Desempregu Iha Timor Leste. <http://forum-haksasuk.blogspot.com/2012/09/sepfope-no-stratejia-hamenus-desempregu.html>

iha grupu krime organizadu hodi kria konfliktu iha rai-laran.³² Kazu konkretu balun hanesan akontesementu 2013 nia rohan ne'ebé hamosu oho malu organizadu entre juventude, asaun sira ne'e relasiona ho frustasaun sosial ba sira nia moris, laiha serbisu no lakon sira nia eskola.³³

Bazeia ba dadus Estatistika Nasional katak liu 50% husi numeru populasaun Timor-Leste Um Millaun resin ne'e maioria ho idade produtivu buka serbisu, sura husi tinan 15 ba leten ne'ebé mai husi distritu sira iha teritoriu Timor-Leste.³⁴ Analiza barak ne'ebé fo sai ona husi Organizasaun Naun Govermental – ONG nasional no internasional katak kresementu dezempregu iha Timor-Leste tanba imapktu husi prezensa traballador estranjeiru.³⁵

Realidade hatudu kada tinan numeru kampu serbisu oituan liu fali kompara ho numeru idade produtivu sira buka serbisu. Joventude barak maka sai dezempregu relasiona ho kompetisaun serbisu ho traballador estranjeiru sira ne'ebé mai okupa hotu serbisu sira ne'ebé tuir lolos timor-oan sira bele halo.³⁶ Maioria projeitu konstrusaun iha Timor-Leste domina husi ema traballador estranjeiru³⁷ inklui serbisu seluk hanesan karpintaria, servidor restaurante, otelaria, ofisina no seluk tan.³⁸

Situasaun sira hanesan ne'e bele lori dezastre boot ba estabilidade nasional wainhira timor-oan sira kontinua sai bainaka iha sira nia rai, enkuantu traballador estranjeiru la'o livre no fasil buka serbisu iha rai-laran. Tinan sanolu resin ona Timor-Leste hetan independensia maibe maioria populasaun seidauk senti mudansa ekonomia iha sira nia moris.³⁹ Buat hirak ne'e bele sai tentativa ba estabilidade nasional tanba futuru Timor-Leste sei hasoru dezafiu boot rua ne'ebé nu'udar ameasa ba instabilidade nasional maka dezigualdade sosial no dezempregu sistematiku.⁴⁰

³² Agostinho Soares, Hernani. (2014, Marsu 03). Desemprego iha Timor Leste: Kauzas, Impaktu no Solusaun. <http://www.jornalbisnistimor.com/opiniaun/1807-desemprego-ih-timor-leste-kauzas-impaktu-no-solusaun>

³³ Fundasaun Mahein. (2014, Abril 07). Ameasa Droga Dezafiu ba Instituisaun Siguransa atu Kombate. http://www.fundasaunmahein.org/wp-content/uploads/2014/04/MNL_Nu.74_07.04.2014_Droga.pdf

³⁴ Fundasaun Mahein. (2013, Novembru 29). Urbanizasaun no Siguransa: "Dili Sentru Konfliktu". Mahein Nia Lian Nú.64.pdf. http://www.fundasaunmahein.org/wp-content/uploads/2013/11/MNL_Nu.64_29112013_URBANIZASAUNpdf.pdf

³⁵ Neves, Guteriano. (2013, Maiu 22). Dezempregu iha Timor no Dezafiu ba futuru. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

³⁶ Jos & Ade. (2012, Outobru 12). Trabalhador Estranjeirus 889 Iha TL. Media Timor Post. Bele asesu iha ne'e; <http://www.diariutimorpost.tl/berita-247-trabalhador-estranjeirus-889-ih-tl.html/>

³⁷ CJITL. (2011, Outobru 12). Projeitu Iha TL Domina Ho Ema Estranjeiru. <http://www.cjiti.org/j15/cjittimor-today/cjiti-flash/805-projeitu-ih-tl-domina-ho-ema-estranjeiru>

³⁸ TDW. (2012, Agostu 08). Trabalhadores Estranjeirus 4.135 Servisu iha TL Ho Vistu Trabalho husi SEFOPE. <http://www.thediliweekly.com/news/news/1587-trabalhadores-estranjeirus-4135-servisu-ih-tl-ho-vistu-trabalhu-husi-sefope>

³⁹ Neves, Guteriano. (2013, Maiu 22). Dezempregu iha Timor no Dezafiu ba futuru. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

⁴⁰ Neves, Guteriano. (2013, Maiu 22). Dezempregu iha Timor no Dezafiu ba futuru. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>

Rekomendasaun

1. Rekomenda ba Governu atu kria sistema kontrolu integradu ida husi Serbisu Migrasaun, SEPFOPE, Ministériu Negosiu Estranjeiru hodi regulariza sidadaun estranjeiru ne'ebé tama iha Timor-Leste buka serbisu tuir vistu ne'ebé aplika.
2. Rekomenda ba Governu atu instala sistema kontrola *database* iha funsionamentu Serbisu Migrasaun nian hodi apoiu informasaun ne'ebé suficiente ba instituisaun Siguransa hodi kontrola movimentu sidadaun estranjeiru iha Timor-Leste.

Bibliografia

- Agostinho , Hernani.(2014, Marsu 03). Desemprego iha TL: Kauzas, Impaktu no Solusaun.
<http://www.jornalbisnistimor.com/opiniaun/1807-desemprego-ih-timor-leste-kauzas-impaktu-no-solusaun>
- Amaro. (2013, Marsu 21). TDD Julga PNTL Halo Kobranca Illegal ba Ema Estranjeiru.
<http://temposemanal.com/justisa/item/255-dd-julga-pntl-halo-kobranca-illegal-ba-ema-estranjeiru>
- Anibal, Joao. (2014, Februari 05). Maioria Populasaun TL Sofre “Moras Sosial”.
<http://jornal.suara-timor-lorosae.com/majoria-populasaun-tl-sofre-moras-sosial/>
- CJITL. (2011, Outobru 12). Projeitu Iha TL Domina Ho Ema Estranjeiru.
<http://www.cjitl.org/j15/cjitltimor-today/cjitl-flash/805-projeitu-ih-tl-domina-ho-ema-estranjeiru>
- Da Costa, Jose. (2012, Setembru 12). Diretor Serbisu Migrasaun. Apresentasaun iha Seminariu ne'ebé Organiza husi Alola Foundation
- Ferreira, Sonia & Ximenes, Luciana. (2014, Febreiru 27). Migrasaun Kaptura Sidadaun Estrajeiru 117 Viola Vistu. Media STL. Bele asesu iha ne'e; <http://suara-timor-lorosae.com/migrasaun-kaptura-sidadaun-estranjeiru-117-viola-vistu/>
- Fundasaun Mahein. (2013, Febreiru 13). Jestaun Fronteira no Kontrolu Migratoriu. Mahein Nia Hanoi Nú. 03.p26.pdf
- Freitas, Ezequiel. (2011, Outobru 09). Laiha kampu servisu bele hamosu konflitu. Media The Dili Weekly. <http://www.thediliweekly.com/tl/notisias/notisias/206-laiha-kampu-servisu-bele-hamosu-konflitu>
- Fundasaun Mahein. (2014, Abril 07). Ameasa Droga Dezafiu ba Instituisaun Siguransa atu Kombate. http://www.fundasaunmahein.org/wp-content/uploads/2014/04/MNL_Nu.74_07.04.2014_Droga.pdf
- Fundasaun Mahein. (2013, Setembru 18). Projeitu Refinaria no Petro-Kimika: Mega Projeitu ka Mega Ameasa?. http://www.fundasaunmahein.org/wp-content/uploads/2013/09/MNL_Nu.-58_18092013_Petrokimika-no-Refinariapdf.pdf
- Fundasaun Mahein. (2013, Novembru 29). Urbanizasaun no Siguransa: “Dili Sentru Konflitu”. Mahein Nia Lian Nú.64.pdf. http://www.fundasaunmahein.org/wp-content/uploads/2013/11/MNL_Nu.64_29112013_URBANIZASAUNpdf.pdf
- Jos & Ade. (2012, Outobru 18). Trabalhador Estranjeirus 889 Iha TL.
<http://www.diariutimorpost.tl/berita-247-trabalhador-estranjeirus-889-ih-tl.html>
- Kaplan. (2013). Visa Pelajar Amerika Serikat.
<http://www.kaplaninternational.com/id/resources/student-visa-information/usa.aspx>
- Miz. (2013, Setembru 12). Invazaun Foun Amiasa Ekonomia TL. Media STL.
<http://jornal.suara-timor-lorosae.com/invazaun-foun-amiasa-ekonomia-tl/>

- May. (2014, Janeiro 15). PNTL Rejistu Ema Estrajeiru Tama Sai TL. Media Diariu Nasional. Bele asesu iha ne'e; <http://www.jndiario.com/2014/01/15/pntl-rejistu-ema-estrajeiru-tama-sai-tl/>
- Neves, Guteriano. (2013, Maiu 22). Dezempregu iha Timor no Dezafiu ba futuro. <http://aitaraklaranlive.wordpress.com/2013/05/22/dezempregu-ih-timor-no-dezafiu-ba-futuru/>
- RDTL. (2012, Agostu 26).PROGRAMA V GOVERNO CONSTITUCIONAL NIAN LEGISLATURA 2012-2017.pdf.
- Sin. (2013, Setembru 09). Dezempregu Bubu, Potensia Hamosu Konflitu. Media STL. Bele asesu iha ne'e; <http://jornal.suara-timor-lorosae.com/dezempregu-bubu-potensia-hamosu-konflitu/>
- Soares, Brigida. (2014, Marsu 24). SEPFOPE : Hasai Ema, hatama Osan. <http://www.jornalbisnistimor.com/opiniaun/1881-hasai-ema-hatama-osan>
- Sin. (2013, Setembru 26). Servisu Laiha, Joven Hanoin Oho Malu. Media STL. Bele asesu iha link ne'e; <http://jornal.suara-timor-lorosae.com/servisu-laiha-joven-hanoin-oho-malu/>
- TS. (2012, Outubro 19). Servidór Estadu TL Sobu Estadu De Direitu. Media Tempo Semanal. Bele asesu iha ne'e; <http://temposemanaltimor.blogspot.com/2012/10/parte-iii-servidor-estadu-tl-sobu.html>
- TS. (2012, Outubro 19). Estadu TL Hasa'e Empregu Ba Sidadaun Estranjeiru. <http://temposemanaltimor.blogspot.com/2012/10/parte-iii-servidor-estadu-tl-sobu.html>
- THD. (2013, Fevereiro 16). Sidadaun Estranjeirus Hetan Dokumentus TL. Media Timor Post. Bele asesu iha ne'e; <http://www.timorhauaniadoben.com/2013/02/sidadaun-estranjeirus-hetan-dokumentus.html>
- TDW. (Agostu 08). Trabalhadores Estranjeirus 4.135 Servisu iha TL Ho Vistu Trabalho husi SEFOPE. <http://www.thediliweekly.com/news/news/1587-trabalhadores-estranjeirus-4135-servisu-ih-tl-ho-vistu-trabalhu-husi-sefope>
- Viana, Rui. (2012, Setembru 17). SEPFOPE No Stratejia Hamenus Desempregu Iha Timor Leste. <http://forum-haksasuk.blogspot.com/2012/09/sepfope-no-stratejia-hamenus-desempregu.html>